

۲۹ جمادی الاخره ۱۳۳۱

پنجشنبه

۲۳ مایس ۱۳۲۹

نومرو ۲۴ — ۲۴

نسخه سی ۲۰ پاره در



امور اداره و تحریر و اعلانات و ساثره ایچون مدیر  
مسئوله مراجعت ایدللبدر .

ابونه سی بر سنه لك اعتبارله ممالك عثمانیه ایچون  
اون بش و ممالك اجنبیه ایچون ۲۰ فروشدر .

عرفای امتك مقالات متصوفانه لرینه جریده  
صوفیه لك صحیفه لری آجیقدر .

شمذیلک اون بش کونده بر نشر اولنور

محل اداره باب عالی جوارنده ابوالسعود جاده سنده  
نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

و ( قاریه ) محاربا بنده ، مؤخرآ ( صفین ) وقعه سنده حضرت علی طرفنده بولونوب هجرتك ۴۲ نجی سنده . یاخود حضرت امامك شهادتندن قرق کون صوكرآ ( كوفه ) ده وفات ابتد . نمازی ، سبط مكرم حسن بن علی رضی الله عنهما حضرتاری طرفندن قیلندی .

( جناب حسنك زوجہ سی اولق شرفی ا کتساب ایله مشكن ) یزیدن معاویه ( به وارمق امل لثیمیلہ زوج محترمق زهرله مك جنایتی ارتکاب ایدن ( جہنمہ ) یادکاری ، ایسته بواسطتك قیزی ایدی . علها مستحق ) .

### طاهر المولوی

اجتماعی صحیفه

عدد  
۶

### «جمود قلب - حس تودد»

برهئت اجتماعیك مبنی علمبی . هیچ شبه یوقدرکه انسانلر بینده هر درلو رابطہ بی تقویه ایدمك اولان حس تودد و محبتدر . بو حسی عالم انسانیتہ ایلک واضع کتاب جلیل فرقانددر . انسانلق ، مدنیت آنجق بو حس سایه سنده تمتعانی امکان حاله کنیره بیلمش ، محالی بر امر واقع صورتنه وضع ایدم بیلمشدر . غربده شراره تعالی بوعالی ، نجیب خصتك ثمره سیدر . غربیلر برهپ ایچون ، هپ ، بر ایچوندره دستور بی بو حسدن آلفار بی مع الافتخار سولیکده درلر . اندلسدن مدنیت اسلامیه آقین آقین غربك رواج رغبتنه طاش سیندینی صره لرده نه حکمتدرکه اسلاملردن ده بو حس سونمکه ، آرتق او بقعه اعتلادن عالمه صاچیلان نورلر انطفایه باشلامشیدی . اسلامی ، موجودیتی کیرن بو مقروب اون آن انخسافدن اعتبارآ دیار اسلامه داخل اوایوردی . بکاویله کایورکه اندلس ، سائر ممالك اسلامیه هپ بو جلا دین امانك قربانی اوله کلمشاردر .

اسلامه عارض اوله جق شو تفرق بی ، شوعدم تعاون رسالتآب افندمن حدیث عالیار بیلخبر ویرمشار . حس سزلکك عالم اسلام اوزرینه مهلك بر دوره کنیره بیلجك درجه بی حار اوله بیلدیکنی بیان بیورمشاردرکه : شو مآلده در :

«یقین زمانده مسلمان مملکتلر بی تقسیم ایچون دول نصارا بر برلری دعوت ایدرلر . سفره باشنه مسافرلرک اخذ موقع ابتدکاری کی آنلرده سزه قارشو اوله بر وضعیت آیرلر ، اصحاب کرامدن بریسی :

« افندمن ! بزلر [ یعنی اسلاملر ] اوکونده آز می بز ؟ غلبه ایدم می بز ؟ رسالتآب افندمن :

« خیر ! سزده چوقسکیز ، فقط سز یاغفور صولری کی طاعتیق آفارسکیز ! بر بریکره بغیر حق طاریلر ، قیریلر سکز ! بریره طوبیلا نه من سکز سزك شو حالکرمهابت فطریه کزك ازاله سنه و دشمناره انتقالتنه ، آنلرده کی خوف وهراس ده سزلره طریانه سبب محض اولور ! برده سزك قوه مغنویه اجتماعیه کزده وهن ، خلل عارض اولور ! ساهمیندن برذات :

« نبوتآب افندمن ! وهن نه در ؟ لطفآ سوبار میسکز ؟ سیدالبشر افندمن :

« اوت ! وهن سزه عارض اولمشدر . چونکه : تأمین استقبالكیزی دوشنور . یالکز جانکزی سور ، استحقار حیات ایتمر سکز ! ثلومدن قورقار و قاجارسکز ! سزك حیات اجتماعیه کزی احما ایدن وهن بودر ! » . مصابیح السنه و جامع الکبیر : عن ثوبان رضی الله عنه

•••

شویانات عالیهك کوستردیکی مؤسف عاقبتلره بز اسلاملر هپ اوغرادق . فقط انشأله بوندن سکره اولسون سیدالکائنات افندمك دستور منیف عالیلر بی بقاوها وجودلریمزده ، قابلیتمزده تطبیق ایدرلر و ایتملر . زیرا مسلمانلر ای بیلمش اولسونلرکه ایچنده بولایمیز شو عصر انقیاب گنیدلرینه بر فائده تأمین ایدم میسه ، آنلرده متنبه اولمه چالشملرسه استقبالده کی موجودیتلرندن هر حالده شبهه دوشه چککردر .

دنیا ده آل عثمان سلطنتندن ، او اسلام ایشیغندن ، اسلام بوردندن بشقه سلطنت اسلامیه قالمشدر . اگر بز مسلمانلر بر رمزه مالآ ، بدنآ ، التفاتآ ، لسانآ یاردیم ایدر ، او حسی قایلمزده حرمتله صافلار سهق ، کتله واحده متفقه حاله کلیرسهك بر درجه عاقبتمزدن امین اولمه حقمز اوله ییایور .

بغض ، نفق ، تفرقه بی قیلرلر جیقاره رق حال اقتضاده حق سزله قارشو مادی و معنوی بر جبهه ، بر جبهه متین ایله کورونملی بز .

تفرقه و نفاق ایله تاوت ایتمش قابویه جناب حق طرفندن نصرت ، عنایت ، احسان وعد سیورلماشدر . باری تعالی قلوب متفرقه دکل ، برلشمش ، کندلشمش کولکلر اوزرینه تجلی ایدر . اهل ایمان مثلاً مبارزه بی بیلهر شهیدن زاده قایلر بیله یایار . مادامکه اهل حبیبز دعواسنده بز . فسق ، حسد ، نفاق ، بغض شه سز او صفتك علائمندن دکدر . آنلره بدل مودت ، تعاطف ، سلام ، سوکی ، توحید و اتفاق کی خصائل مبعجله ایله تخلق ایتملی بز . تعندی طوپدن ، تفکدن زیاده آهین قیلر بیقار .

•••

بوندن صوکره مخوف عاقبتلرک ، استقبال هاجک صدماتنه ، صرصر قهرینه آنجق تودد ، اتفاق ایله مقابله ایدیله بیله چکدر .

فرح ایدر و آنلره قارشو فوق العاده اظهار تواضع ایدوب محافل کبراده اهل صفتک کافه سی بلوک بلوک اولوب کیدر ایسه بن دخی کروه فقرایه داخل اولورم بیوررلر ایدی. علما و فقهایی کرام حضراتنه خارق العاده تعظیم و احترام و صلحایه مدح و ستوده افراط ایله معیتاری ارکانه دخی ارضورته معامله بی اخطار و بونلر حقنده سرامدان امت اولدقلرینی اعلان ایدرلر ایدی و طبع شریفاری غایت بشوش، متواضع، حایم، سلیم اولوب طرف آخردن ایدیان اذا و جنبه متحمل و صبور ایدی. نفسی نه اهانت و تذلیل و نه اعزاز و تلطیف ایتیه رک حال توسط واعتدالده بولندیرلر ایدی. اصحاب ضلاله دائماً ابراز جلاوت و باخصوص بر فعل و نهینک ظهورنده ازاله سنه سرعتله سی و مقاومت و ارباب بدعته دخی سیف قاطع کبی لمعان ایدردی و بر سنت سنیه نک ضیاعیله بر بدعتک ظهورنده فوق العاده حال فوران و غضب طاری اولدیفندن بر کیمسه یه مقابله ایتمز و حق اول درجه که شدتی روز کارک ظهوریله اغاچلر فصل اهتزاز ایدرله وجود شریفاری اهتزاز ایدوب بر قوم سنت سنیه بی ترک ایله اجرا ایتمز و اهل بدعتک ازاله سننده دخی تکامل و مسامحه ایدر ایسه جناب حق اوقومک غیرتی ذلته قوتلرینی ضمه غناری بی فقره تبدیل و امورینک تسویه سننده حیره ابتلا ایدر بیوررلر ایدی که بو احوال شریفه یه اک یوک بر شاهد عادل بو کونکی بزده تجلی ایدن احوال و احوال کفایت ایدر.

عینتابلی شا کر

بو کونکه: آورو بانی حیاتمه و داع ایدیرور، آسیایه همده اسکی یوردنمه دوشمش بولنیورز. فقط ایشته اوراده ده موقع اجتماعیمزی یه بو کلمه نک محتوی اوابینی معانی حقیقه بی تمثیل ایله تحکیم ایتیمز که بیلیم که او ملک تکرده ده طورمه حقیمز، حق حیات و عیشمز قالیرمی؟ قاله جقمی؟

مسلمانلر یشامق، کتابلرینک شانلرینی محافظه ایتک، اسکی بهادرلقلرینک یکنه یادکار جولانکاهی قالمش اولان آسیای صفراده، آنادولوده یه تاریخلرینی، ماضیلرینی دیرلنک ایستیرور. لرسه همان برلرینی قوجا قلامالی، سومه لی، سوشه ایدرلر، تشتی، بو مدهش میقروبی ثولدره رک توددی، محبتی اساسلر قورمالی یز. یوقسه دوشونشی یله مفکره می یرتان پارچه لایان آملزک، موجودیتک، سلطنتک غروب، غروب طالعانی حزینانه کورمش اولورز ۱۱. اندلس، دفن ایدیلیرکن ماضی حشمتی ایچون ابو عبدالله محمد الصغیر هیچ اولمزه آغلا یه بیلیمشدی. عدم تودد - الله کورتمسین! عیلا دیغمز ایشته او - آغلامه یله مانع در. هر حالده بر عزم لایتوهن ایله اتفاق، بر وجد غیر منفک ایله برلریمزه اظهار تودد ایللی یز. چونکه: استقبال نامه، سلامت نامه آندن ماعدا چارملر قلامشدر ۱۱.

نه آچی حقیقت ۱۱. قلمه سلطانیلی

علی شاکر

## کلام عالی

وسدد وقارب واعتصم واستقم لها محییاً الیها عن انابه محبت  
ابن الفارض،

ترجمه سی بوراده مقصود بالذات اولان ذات اجل و اعلا یه کمال تواضع ایله توبه دن صکره صوب مقصوده بر حال اجابتده استقامتله التجا و طوغریلقله عازم اولوب تقرب ایدسک دیمکدر. بو نظم حکمت انتظامده دخی اشارت بیورلدینی اوزره انسانلر دنیوی و اخروی شهره هدایه واصل اولمق ایچون طریق حق اختیار ایتیمیه وجوده کله جکی آزاده عرض و بیاندیر شوبله که یکن هفته ده تنویر و توسیع مقصدیله بر مثال امتثال اولمق اوزره قطب شهر ابو العمین السید احمد رفاعی افندمن حضرتلرینک اوصاف جلیله و اخلاق و مزایای عالیله رندن من غیر حد برنبده عاجزانه و مورانه بحث ایدلمش ایدی. جمله اخلاق میجهله کریمانه رندن اولارق من و اختیارلره اکرام و ایتمه بذل مرحمت و شفقت و احوال فقرایه اغلار و آنزک فرحانلر یله ده کسب

«نی»

نی حضرت رومی جلاک نفسیدر.  
نی اهل دلک جنبش، و شوق و هوسیدر.  
نی شارح ایات کتاب احذیت  
نی فاتح ابواب کموز صمدیت  
نی بارقه افق معلا ی هدا در  
نی شارقه اوج فیوضات بقادر  
نی غنچه سیدر کاشن توحید بقانک  
نی نفخه سیدر مرد سخندان صفانک  
نی رده وحدندن اولور عالمه دمساز  
نی درینه کثرته ایدن کنیدی ابراز  
نی روزن کاشانه عشق از لیدر  
نی مظهر اسرار محمدله علیدر  
نی شهر عنقای معانی خفادر